

COMUNU DE USEDDUS

Provìntzia de Aristanis

DELÌBERA DE SA GIUNTA COMUNALI

Numeru 1 de su 09/01/2007

OGETTU: P.O.R. Sardigna 2000/06-Mis.4.20 sviluppu e melloram. infr. rurali po su sviluppu de s'agricoltura e po sa viabilità rurali. Bandu de s'annu 2006. Manutenzioni de is bias in su sartu de "Giuai" e "Serra Banari" – Aprovatzioni preliminari.

S'annu duamìaseti sa dì noi de su mesi de gennàrxiu, a s'ora de sa una e unu quartu de mangianu, in custa domu comunali, cunvocada informalmenti, s'esti atobiada a pari sa Giunta Comunali cun sa presència de is Sannoris :

ATZEI ADRIANO	SÌNDIGU	P
ATZORI FELICE	VICESÌNDIGU	P
SERRA MONICA	ASSESSORI	A
ERBI' CESARE	ASSESSORI	P
ADDARI GIOVANNI	ASSESSORI	P

Inde risultant presentis 4 e ausentis 1

Pigat sa presidèntzia s'Avv. ATZEI ADRIANO in calidadi de SINDIGU.

Partitzipat cun funtzionis consultivas, refèrentis, de assistèntzia e verbalizatzioni (art.97, comma 4, de su D.Lgs. n°267/2000) sa Segretària SCALA dott.ssa MARIA BONARIA.

Su presidenti, atzertau su numeru legali, deccarat aberta sa chistioni de s'argomentu in ogetu, regularmenti iscritu in s'ordini de sa dì, e invitat is benius a pari a deliberai asuba s'argomentu ingitau in s'ogetu, ponendi innantis ca, asuba sa proposta de custa deccratzioni, anti nau ca giai:

su Responsàbili de su serbitziu interessau (art. 49, c.1, de su T.U. n°267/2000)

sa Segretaria Comunali (artt.49, c.2 e 97, c.4b, de su T.U. n°267/2000) po sa regolaridadi tècnica.

SA GIUNTA COMUNALI

BIDA sa determinazioni n°1038 de su dexi d'onniasanti de su 2006 de sa Direzioni Generali-Serbìtziu Strukturas e Infrastrukturas Assessorau Regionali de s'Agricoltura e Riforma Agro-Pastorali, chi at aprovau su bandu po s'amissioni a is finanziamentus de sa Misura 4.20.b "Svilupu e melloramentu de is Infrastrukturas ruralis connessas a su svilupu de s'Agricoltura- viabilitadi rurali" po s'annu 2006;

BIU su bandu, asuba nominau, chi prìvidit sostanzialmenti su melloramentu de sa reti infrastrukturali rurali, afortiendi is bias de sartu po mellus garantiri su collegamentu intra is aziendas agro-pastoralis e is logus de trasformazioni, comercializazioni de is prodotus e sa compra de is metzus de produtzioni;

PIGAU ATU ca:

- sa pregonta po beneficiari de su finanziamentu, depit arribai a s'Assessorau de s'Agricoltura e Riforma agro-Pastorali- Serbitziù Strukturas e Infrastrukturas, bia Pessagno, 4 – 09126 Casteddu, chena pròroga, basciu e non apustis a su dexi gennàrxiu de su duamilaseti.
- Sa presèntazioni de sa dimanda de finanziamentu depit essi, a marolla, mandada avatu de s'approvazioni, de parti de s'Enti, de unu progetu preliminari.
- Sa spesa prus manna chi si poidit ammitti po sa renèscia de s'interventu esti de €200.000,00, e chi su mancu una cuota de su 10% depit essi a càrrigu de su bilanciù de s'Enti beneficiariu.
- Is interventus funt destinaus a sa manutenzioni istraordinària de is bias de sartu e vicinalis esistèntis, non depit essi fatu usu de asfaltu, de cordulus e murus fatus in cls, e depint prividi s'usu de materialis naturalis cumentis terras stabilizadas, tratamentus contra su pruniu e crèsuris. S'asfaltu e su cimentu poidit essi autorizau casu mai siat fatu biri de non podit usai ateris tecnologias.
- Is interventus de fai depint previdi sa salvaguardia de su patrimoniu de is crèsuris de ispecies spontàneas e de is accorrus in muru a bullu, chi funt, cun sa varietadi de su logu de is tècnicas e de is materialis, una faci de s'identitadi paesagistica e culturali chi non si poidit cambiai.
- No ant essi ritènius arricius progetus chi no apiant prividiu, casu mai non funt presentis, operas po poni a modu s'acua proina, su cuncodru de pratzas de scambiu e sa segnàletica istradali.
- Sa larghesa de s'asse de s'istrada depit essi tra 3 e 4 ml, prus is duas banchinas a costas, ognuna de 0,5 ml. Sa pendentzia in longhesa d'onnia livelledda non depit essi asuba de su 12%, 13% po tretus chi non siant asuba de 500 ml.

BIDA sa Delibera de su C.C. n°58 de su doxi de su mesi de idas de su 2006 innui s'Amministratzioni programada de interveni in su sartu de Useddu e de Escovedu, in una pariga de bias, a fatu inditadas, usadas de traballantis de sa terra e de su bestiami, e ca bolint acoitu traballus de manutenziòni:

- bia vicinali "Giuali", in su sartu de Useddu
- bia vicinali "Serra Banari", in su sartu de Escovedu

BIU su progetu preliminari fatu de s'Ufitziu Tènicu Comunali po una ispesa totali paris a € 200.000,00, incluiu sa cuota de cofinanziamentu de su 10% de parti de su Comune de Useddu;

DONAU ATU CA su matessi recracat sa viabilitadi chi giai inci fiat e resultat cunformi a su istrumentu urbanisticu;

FATU SUU su consensu de su Responsabili de su Serbitzìu Tènicu po sa parti tècnica ex art. 49 de su TUEL;

Cun votazioni paris

DELIBERAT

- DE partetzipai a su P.O.R. Sardigna 2000-2006 - Mis.4.20 “Svilupu e melloramentu de is Infrastruturas ruralis connessas a su sviluppu de s’Agricoltura- viabilitadi rurali” bandu po s’annu 2006, cun un progetu de una ispesa totali paris a €200.000,00, e €20.000,00 de custa a càrrigu de su Bilanciu Comunali.
- DE aprovai, po custu, su progetu preliminari de is traballus de “Manutenzioni straordinaria de sa viabilitadi rurali *Giuali e Serra Banari*” – POR Sardigna 2000-2006-mis.4.20” fatu de su Responsabili de s’Ufitziu Tènicu comunali, po una ispesa totali paris a €200.000,00 ;
- DE DONAI ATU
 - . ca s’Amministratzioni s’impegnat a coofinantziai is operas po sa parti de su 10% de sa ispesa totali prividia;
 - . ca s’at fai fronti a sa ispesa totali previdia de €200.000,00, cumenti asuta ingitau:
 - €180.000,00 (90%) cun fondus de su P.O.R. Sardigna 2000-2006-Mis.4.20
 - € 20.000,00 (10%) cun proprius fondus ca ant essi iscritus in su bilanciu comunali esercitziu 2007.

BIU S’ACOITU, cun votazioni fata a parti, totus in pari, benit decrarada sa presenti luegu eseguibili segundu s’art.134, c4 de su D.Lgs 18/08/2000 n°267

Custu Varbali benit firmau cumentu sighit:

Su Sìndigu at firmau
(*Abog.ATZEI ADRIANO*)

Sa Segretària at firmau
(*SCALA Dott.ssa MARIA BONARIA*)

Su sotoscritu, bius is atus d'ufitziu

ATESTAT

Ca custa delibera est steta apicada a s'Albu Pretoriu Comunali sa di noi gennàrxiu de su 2007 po ddui abarraì quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali, innia 09 gennàrxiu 2007

Sa Segretària Comunali at firmau
(*SCALA Dott.ssa MARIA BONARIA*)

Su sotoscritu, bius is atus d'Ufitziu

ATESTAT

Custa delibera est diventada esecutiva su..... segundu s'art.....
De su T.U. 267/2000

De sa Residèntzia comunali, innia

Sa Segretària Comunali
(*SCALA Dott.ssa MARIA BONARIA*)

De potai a:

- s'Ufitziu Tecnicu
- s'Ufitziu Amministrativu
- s'Ufitziu Cuntabili
- s'Ufitziu Vigilanza
- s'Ufitziu Serbìtziu Sotziali
-
-
- R.A.S.

De sa Residèntzia comunali, innia.....

Sa Segretària Comunali at firmau
(*SCALA Dott.ssa MARIA BONARIA*)